

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Sužbene novine Zeničko-dobojskog kantona“, broj: 7/10 i 3/23), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 110. sjednici, održanoj 26.12.2025. godine, d o n o s i

ZAKLJUČAK

I.

Prihvata se Mišljenje Ministarstva za obrazovanje, nauku, kulturu i sport, broj: 10-02-17539-3/25 od 18.12.2025. godine, doneseno po prijedlogu zastupnika Spahije Kozlića u Skupštini Zeničko-dobojskog kantona, koji se odnosi na Nacrt Zakona o doživotnoj mjesečnoj naknadi vrhunskim sportistima u Zeničko-dobojskom kantonu.

II.

Zaključak s Mišljenjem iz tačke I. ovog zaključka prosljeđuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____/25
Datum, 26.12.2025. godine
Zenica

PREMIJER
po ovlaštenju

Dženana Čišija

DOSTAVLJENO:

1x Ministarstvo za obrazovanje, nauku, kulturu i sport,
1x Stručna služba Skupštine,
1x a/a.



MIŠLJENJE O NACRTU ZAKONA O DOŽIVOTNOJ MJESEČNOJ NAKNADI
VRHUNSKIM SPORTISTIMA U ZENIČKO-DOBOJSKOM KANTONU

Na Nacrt Zakona o doživotnoj mjesečnoj naknadi vrhunskim sportistima u Zeničko-dobojskom kantonu, koji je na prijedlog zastupnika u Skupštini Zeničko-dobojskog kantona Spahije Kozlića podnešen u skupštinsku proceduru dana 24.09.2025. godine, Ministarstvo za obrazovanje, nauku, kulturu i sport daje sljedeće mišljenje:

Uvidom u Nacrt Zakona o doživotnoj mjesečnoj naknadi vrhunskim sportistima u Zeničko-dobojskom kantonu (u daljem tekstu: Nacrt Zakona), uzimajući u obzir i to da je Vlada Zeničko-dobojskog kantona na svojoj 69. sjednici održanoj 28.02.2025. godine, Zaključkom broj: 02-02-3642/25, od 28.02.2025. godine prihvatila mišljenje Ministarstva za obrazovanje, nauku, kulturu i sport na Nacrt Zakona, uvažavajući hijerarhiju donošenja Zakona po nivoima vlasti, smatramo da ovaj Nacrt Zakona treba biti dobar osnov za izradu Prijedloga Zakona o doživotnoj mjesečnoj naknadi zaslužnim sportistima u Zeničko-dobojskom kantonu (u daljem tekstu: Prijedloga Zakona).

Ministarstvo za obrazovanje, nauku, kulturu i sport obratilo se Poreznoj upravi Federacije Bosne i Hercegovine sa Zahtjevom za dostavljanje specifičnog poreskog mišljenja u vezi s primjenom odredbi Zakona o porezu na dohodak na doživotnu mjesečnu naknadu predviđenu Prijedlogom Nacrta Zakona. Zahtjev je upućen radi pribavljanja stručnog tumačenja poreskog tretmana predmetne naknade, kako bi se osigurala pravilna i zakonita priprema daljnjih normativnih rješenja.

Porezna uprava je na osnovu dostavljenog Zahtjeva izdala Specifično poresko mišljenje broj: 13/08-02-3-2044/25 od 10.12.2025. godine, dostavljeno na osnovu prethodno upućenog Zahtjeva za tumačenje odredbi relevantnih zakona i podzakonskih akata broj: 10-02-17539-4/25 od 19.11.2025. godine. U navedenom mišljenju Porezna uprava je, pozivajući se na Zakon o porezu na dohodak član 12. stav (1), (2) i (5) Pravilnika o primjeni Zakona o porezu na dohodak („Službene novine Federacije BiH“, broj: 48/21, 77/21, 20/22, 57/22, 5/23, 85/23, 97/23, 36/24, 57/24, 101/24, 11/25, 22/25, 33/25, 43/25 i 60/25), izvršila detaljnu analizu pravne prirode doživotne mjesečne naknade predviđene Prijedlogom Nacrta Zakona. Mišljenje se odnosi na pitanje da li se predmetne naknade smatraju dohotkom i da li podliježu obavezi prijave, obračuna i eventualne akontacije poreza. Porezna uprava je u svom odgovoru pojasnila okolnosti pod kojima se ove naknade mogu ili ne mogu svrstati u kategoriju prihoda fizičkih lica u smislu poreznih propisa.

Zaprimljeno mišljenje predstavlja stručnu osnovu za daljnju razradu zakonskog rješenja u okviru izrade Prijedloga Zakona, te pruža pravno tumačenje važnih odredbi koje se direktno tiču novog Zakona, te omogućava da se Zakon uskladi sa poreskim propisima kako kasnije ne bi bilo problema u primjeni.

Smatramo da je potrebno da se **u tekstu Nacrtu Zakona, kao i u nazivu Nacrta Zakona**, termin: „*Vrhunski sportista*“ zamijeni terminom: „*Zaslužni sportista*“ zbog toga što je termin *zaslužni sportista* više odgovarajući cilju koji se želi postići donošenjem ovog Zakona, a to je priznavanje i vrednovanje svih sportista koji su ostvarili izvanredne rezultate, te svojim doprinosom, predanošću i ostvarenjima donijeli medalje kako Bosni i Hercegovini, tako i Zeničko-dobojskom kantonu.

Također je potrebno da se u naslovu POGLAVLJA IV izbriše riječ „PRELAZNE“ jer se sadržaj člana 16. odnosi samo na završne odredbe. U tekstu Nacrta Zakona svakako ispraviti tehničke, pravopisne/gramatičke greške, te isti nomotehnički urediti u smislu Jedinistvenih pravila za izradu pravnih propisa u Zeničko-dobojskom kantonu („Službene novine Zeničko-dobojskog kantona“, broj: 5/08).

Ovaj Zakon predstavlja način da se na institucionalnom nivou oda počast njihovom dugogodišnjem radu, disciplini i uloženom trudu, čime se jača svijest o važnosti kontinuirane podrške vrhunskom sportu.

Istovremeno, Zakon ima i snažnu razvojnu dimenziju, jer pruža jasnu poruku mladim, talentiranim sportistima da se njihov napredak, rezultati i posvećenost prepoznaju i cijene. Time se dodatno podstiče stvaranje pozitivnog i motivirajućeg sportskog ambijenta, u kojem mladi sportisti nastoje ostvariti vrhunske domete i dostojno predstavljati svoju zemlju na domaćoj i međunarodnoj sceni. Na taj način sportisti postaju istinski ambasadori Bosne i Hercegovine, kao i Zeničko-dobojskog kantona, te doprinose očuvanju pozitivnog sportskog identiteta i promociji viših vrijednosti.

S obzirom na naprijed navedeno, Ministarstvo za obrazovanje, nauku, kulturu i sport daje pozitivno mišljenje na Nacrt Zakona o doživotnoj mjesečnoj naknadi vrhunskim sportistima u Zeničko-dobojskom kantonu.

S poštovanjem,

Broj: 10-02-17539-3/25
Zenica, 18.12.2025. godine

